

Ullut erfalasuulisaarfissat pillugit Namminersornerullutik Oqartussat nalunaarutaat nr. 26, 11. november 2008-imeersoq

Kalaallit Nunaata erfalasuua pillugu inatsisartut inatsisaanni nr. 6, 11. juni 1985-imeersumi § 2 naapertorlugu aalajangersarneqarpoq:

§ 1. Ullut pisortatigoortut pisortat illuutaanni tamani kalaallit erfalasuunnik erfalasuuliserfissat tassaapput:

1. januar	Ukiortaaq
6. januar	Kunngit pingasut ulluat
5. februar	Kunngissap nuliata kunngikkutut ataqqinassusillip Maryp inuuia
6. februar	Kunngikkutut ataqqinassusillip Princesse Mariep inuuia
	Sisamangortoq illernartoq
	Tallimangorneq tannaartoq
	Poorskip ullua
	Poorskip-aappaa
9. april	Danmarkip tiguagaaffia
16. april	Ataqqinartorsuup Dronning Margrethep inuuia
29. april	Kunngikkutut ataqqinassusillip Princesse Benediktep inuuia
1. maj	Namminersornerulernerup eqqunneqarfia/Sulisartut ulluat
	Qilaliarfik
5. maj	Danmarkip aniguisitaaffia
	Piinsi
	Piinsip-aappaa
26. maj	Kunngikkutut ataqqinassusillip Kunngissap Frederiup inuuia
5. juni	Inatsisitaarfik
7. juni	Kunngikkutut ataqqinassusillip Prins Joachimip inuuia
11. juni	Kunngikkutut ataqqinassusillip Prins Henriup inuuia
15. juni	Valdemarip ullua/Kattuteqqinnerup ullua

21. juni	Kalaallit Nunaata inuiattut ullua
3. juli	Hans Egedep ullua
24. oktober	FN-ip ullua
21. december	Ullukinnersiorfik
24. december	Juulliaraq
25. december	Juullip ullua
26. december	Juullip-aappaa

§ 2. Erfalasoq amuneqartassaaq kingusinnerpaamik nalunaaqutaq 09.00 peerneqartarlunilu nalunaaqutaq 17.00 kingusinnerpaamillu nalunaaqutaq 20.00. Ulluni erfalasoqarfiusuni erfalasoq apissillugu amuneqartassaaq taamaallaat pinnagit ullut erfalasalisaarfiit imm. 2-mi 3-milu taaneqartut.

Imm. 2. Tallimangornermi tannaartumi erfalasoq qiteqqusimassaaq. Pisortatigut ulloq alla tallimangornermi tannaartumi pippat erfalasoq ulloq naallugu qiteqqusimassaaq.

Imm. 3. Ullormi Danmarkip tiguagaaffiani 9. april erfalasoq qiteqqusimassaaq nalunaaqutaq 12.00-ip tungaanut, tamatuma kingornatigut apissillugu amusimassaaq, takuulli imm. 2.

§ 3. Nalunaarummi matumani inerteqqutaanngilaq ulluni allani erfalasalisaartarneq, soorlu ilagiit nalliuttuini imaluunniit nalinginnaasumik nalliuttorsiorfinni.

§ 4. Nalunaarut manna 15. november 2008 atortuulerpoq.

Imm. 2. Tamatuma peqatigisaanik ullut erfalasalisaarfiit pillugit Namminersornerullutik Oqartussat nalunaarutaat nr. 16, 17. juni 2005-meersoq atorunnaarpoq.

Namminersornerullutik Oqartussat, ulloq 11. november 2008

Hans Enoksen

/

Kaj Kleist